



Demokraatit sinnerlugit Inatsisartuni ilaasortaq, Jens B. Frederiksen,
Demokraatit

§ 37-imut Qaqortumi mittarfittaarniarneq pillugu apeqqummut akissut

Asasara Jens B. Frederiksen

Qaqortumi mittarfittaarniarneq pillugu apeqqutinnut ima oqaasertalimmut qujavunga:

1. Qaqortumi mittarfiliornissaq pillugu misissuineranut atatillugu inernilunneqartartorpassuarni sorliinuku Naalakkersuisut misissorteqqinniaaraat?

Qaqortumi mittarfiliorsinnaaneq pillugu pilersaarut Naalakkersuisut akuersissutigaa. Naalakkersuisut iliusissatut pilersaarutaanni piffissaliussaannilu suliniutit-timmisartoqarfiit pillugit Inatsisartut Inatsisaat nr. 12 decembarip tallimaani 2008-meersoq kiisalu inuiaqatigiit aningaasaqarnerannut sunniutigiumaagaanik naliliineq pillugit ilitsersuut- eqquutsinneqarput. Pilersaarutip tamatuma, Qaqortumi mittarfiliornierup nunaqarfimmut Narsarsuarmut, Kujataani innuttaasunut, Kujataani angallannikkut aqqissuussuineranut nalinginnaasumut kiisalu Qaqortup qeqertaasaani teknikkikkut misissuisitseqqaarnikkut sunniutaajumaartussanik misissueqqissaarnissaq kinguneraa. Tamatuma saniatigut suliniutip imminut akilersinnaanissaanut tunngatillugu ingerlatsineranut pilersaarusiortoqassaaq.

2. Peqqissutsimut Attaveqarnermullu Naalakkersuisoq Steen Lyngge tusagassiuutinut nalunaarummi taariikkanni oqarpoq:” -Mittarfik nutaaq Kujataanut, Kujataaniit Kujataanilu ilaasunik angallassinermut toqqammavinnik pitsaanerusunik pilersitsissaaq. Tamanna taamaattumik Kujataanut nunap immikkoortuanut aamma innuttaasunut ataasiakkaanut iluaqutaasussaavoq”. Steen Lyngge isumaqatigilluinnarpara taamaattumik aamma nipaatumik aperiinnassavara, sooq Steen Lyngge ilungersornersoq mittarfiliornissaq kinguarsarniarlugu?

Qaqortumi mittarfittaarnissamut kinguarsaasutut oqaatigineqarnera akuersinnaanngilara.

Qaqortumi mittarfittaarnissaq pillugu maannamut misissueqqissaartoqarsimannigilaq naatsorsuutinillu tigussaasoqarani, mittarfiillu sumut inissinneqarsinnaaneranik teknikkikkut pilersaarusiornermi atugassamik, erseqqissaasumik toqqammavissiisumillu tunngavissaqarani. Teknikkimut aningaasartuutinullu naatsorsuutit taamaattut, Naalakkersuisut paasissutissinneqarneq tunngavigalu aalajangernissaannut pingaaruteqarput.

10. juli 2013
Sagsnr. 2013-085904
Dok. Nr. 1271021

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

Kujataani angallannikkut pitsanngorsaasoqarnissaanik kissaateqarnerit
isumaqataaffigaarput, isumagali naapertorlugu pisariaqartitanik misissueqqissaartinnani,
taama annertutigisumik sanaartortitsinissaq akisussaassuseqanngitsumik
iliornerussaaq.

Inussiarnersumik inuulluaqquillunga



Steen Lyngé